

НА ХВАЛИТЕХ

Стихиры, воскресны, 4:

И отцев, 4, глас 5.

Подобен: «Радуйся постников удобрение»:

5. Стих: Хвалите Его в тимпане и лице, хвалите Его в струнах и органе.

6. Стих: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа.

Возвыси твой глас истинно,/ Сионе Божественный граде,/ и проповеждь отцев божественную память,/ со Авраамом Исаака и Иакова почитаючи приснославнаго:/ се со Иудою и Левием величаем Моисеа великаго,/ и Аарона чуднаго,/ и почитаем с Давидом Иисуса, и Самуила вси,/ предпразднеству Христову Божественную похвалу,/ песнями божественными плещущи,/ яже от Него благодать улучшить просим,// и миру даровати велию милость. [Дважды.]

7. Стих: Благословен еси, Господи Боже отец наших,/ и хвально и прославлено имя Твое во веки.

Гряди на огненную иногда возседый Илие божественную колесницу:/ и богомудре Елиссее,/ со Езекиею во едином,/ Осие купно срадуйтесь:/ честная же двенадцатице пророков богодохновенная,/ Рождеству Христову сликовствуите./ и в песнях вси праведнии воспойте отроцы всеблаженнии,/ росию Духа угасившии пламень пещный,/ о нас молити Христа,// низпослати душам нашим велию милость.

8. Стих: Яко праведен еси о всех,/ яже сотворил еси нам.

Явися яже от века на земли проповедаемая пророки в вещаниих,/ Дева Богородица:/ Юже патриарси мудрии, и праведных собор возвещают./ с нимиже сликовствует и жен благолепие:/ Сарра, Ревекка, Рахиль и Анна же,/ и славная Мариам Моисеева купно./ С ними срадуются и мира концы,/ вся тварь почитает,/ яко Зиждитель всех и Бог приходит плотию родиться,// и даровати нам велию милость.

Слава, глас 8:

Законных учений сословие, / во плоти являет Христово Божественное Рождество, / прежде закона благодать благовестующия, / яко паче закона в вере сущия. / Темже тления изменению сущу ходатайственно, / во аде держимых душам / предпроповедяху Воскресния ради, // Господи, слава Тебе.

И ныне: Преблагословена еси, Богородице Дево:

Славословие великое. По Трисвятом тропарь воскресен точию. И отпуст. Стихира евангельская, в притворе.

И час 1. И конечный отпуст. На часех тропарь воскресен гласа. Слава, отцев: И ныне, Богородичен часов. На 3-м часе тропарь воскресен. Слава, предпразднства: И ныне, Богородичен часов. Кондак предпразднства, и отцев, глаголи пременяя.

НА ЛИТУРГИИ:

Блаженна воскресна гласа, на 4: и отцев песнь 3-я, на 4: и предпразднства песнь 6-я, на 4.

ПО ВХОДЕ ТРОПАРИ:

Воскресен,

Тропарь отцев, глас 2:

Вéлия веры исправлénия,/ во истóчнице пламене яко на воде
упокоéния,/ святíи трие отроцы рáдовахуся:/ и пророк Даниил
львом пастырь яко овцам явля́шеся./ Тéх моли́твами, // Христе Бо-
же, спаси души на́ша. [Единожды.]

Тропарь предпразднства, глас 4:

Готовися Вифлеéме,/ отвэрзися всем Едéме,/ красуйся Ев-
фра́фо,/ я́ко древо живота в вертепе процвете от Дéвы:/ рай бо
Оноя чрево явися мы́сленный,/ в нёмже Божéственный са́д:/ от не-
гоже ядше живи б́удем,/ не я́коже Адам у́мрем. // Христос раждает-
ся прежде падший возставити óбраз.

«Слава» - Кондак святых отец, глас 6:

Рукописаннаго образа не почётше, / но Неописанным Сущест-
вом защитившеся, треблажénнии, / в пóдвизе огня про-
сла́вистеся; / среде же пламене нестерпимаго стояще, Бога при-
звáсте: / ускори, о Щéдрый! / И потщися, яко Милостив, в помощь
на́шу, / яко мóжешí хотя́й.

«И ныне» - Кондак предпразднства, глас 3.

Дéва днесь превечное Сло́во/ в вертепе грядет родити неизре-
чéнно:/ ликуй, вселенная, услы́шавши,/ прослави со Ангелы и
пастырьми хотящаго яв́итися // Отроча Мла́до, Превéчнаго Бóга.

Прокимен, глас 4. Песнь отцев: Благословен еси, Господи Боже
отец наших, и хвально и прославлено имя Твое во веки. **Аллилуиа,**
глас 4. Причастен: Хвалите Господа с небес: **Другий:** Радуйтесь
праведнии о Господе:

Подобает ведати:

Аще случится вне 20-го декабря месяца, сиречь во 18, или в 19 день: поется воскресна служба, и святых отцев, сице: **В субботу вечера, на Малей вечерни: Стихиры воскресны, и Богородицы, по обычаю.**

На Велицей вечерни: На Господи воззвах, стихиры воскресны 3: и анатолиевы 3: и святых отцев 4, глас 6. Подобен: Всю отложивше: Слава, отцев, глас 6: Даниил муж желаний: И ныне, Богородичен первый гласа, и чтения 3: 1-е Бытия: Слышав Аврам: 2-е, Второго закона: Рече Моисей к сыном Израилевым: 3-е, Второго закона: Рече Моисей к сыном Израилевым: се Господа Бога твоего небо: На литии: Стихира храма, и отцев, глас 1: Лучами облиставшися: Слава, глас 3: Праотцев собор: И ныне, Богородичен: Без семени от Божественнаго Духа: На стиховне стихиры воскресны по алфавиту. Слава, святых, глас 2: Радуйтесь пророцы честнии: И ныне: О чудесе новаго! На благословении хлебов тропарь: Богородице Дево, дважды: и отцев, глас 2: Велия веры исправления: единожды, и Буди имя Господне: трижды. псалом 33: Благословлю Господа: до: Не лишатся всякаго блага. И чтение в толковании Посланий апостольских.

На Утрени: На Бог Господь, тропарь воскресен дважды: Слава, отцев: Велия веры: И ныне: Богородичен: Вся паче смысла: По кафисмах седальны воскресны, с Богородичны. И чтение во Евангелии толковом: Неделя пред Рождеством Христовым, еже от Матфея: Книга родства Иисуса Христа: Полиелей, и тропари: Ангельский собор: ектения, и седален отцев, глас 8: Авраама, Исаака же и Иакова: Слава, и ныне, Богородичен: Благодарственное: И чем Евангелие воскресно, ряд. Степенна и прокимен гласа, Всякое дыхание: Евангелие воскресное. И Воскресение Христово: По 50-м псалме стихира воскресна. Канон воскресен со ирмосом на 4: и крестовоскресен на 2: и Богородицы на 2: и отцев на 6, глас 6. Катавасия, Христос раждается: По 3-й песни ипакои, глас 8, и чтение. По 6-й песни кондак, глас 6: Рукописаннаго образа. По 9-й песни светилен воскресен. Слава, отцев: и ныне, Богородичен. На хвалитях, стихиры воскресны 3, и анатолиев 1: и отцев на 4, глас 5. Подобен: Радуйся: С припевы их. 1-й, Благословен еси, Господи Боже отец наших: 2-й, яко праведен еси: Слава, отцев, глас 8: Законных учений сословие: И ныне, Преблагословенна еси: Славословие великое. По Трисвятом тропарь воскресен: ектении и отпуст. Стихиру же евангельскую поем в притворе: и час первый. И совершенный отпуст.

На Литургии: Блаженна гласа на 6: и отцев песнь 3-я, на 4. По входе тропарь воскресен, и отцев: Слава, и ныне, кондак отцев. Прокимен, глас 4, песнь отцев: Благословен еси, Господи Боже отец наших: Апостол ко Евреям, зачало

328. Евангелие Матфеа, зачало 1: ряд же Недели оставляется. Причастен: Хвалите Господа с небес: Другий: Радуйтесь:

Аще случится Неделя святых отец в предпразднство, внутрь 20-го дне: Сиречь в 20, 21, 22, и в 23 день, бывает служба сице:

На Малей вечерни: Стихиры воскресны, и Богородицы, по обычаю.

На Велицей вечерни: На Господи воззвах стихиры воскресны 3 и анатолиев 1: и предпразднства 3, глас 6. Подобен: Всю отложивше: И отцев 3, глас и подобен тойже. Слава, глас 6: Даниил муж желаний. И ныне, предпразднства, глас тойже: Вертепе благоукрасися: Вход, прокимен дне, и чтения 3 отцев: На литии: Стихиры предпразднства на ряду, коего дне Неделя сия поется, стиховныя: И отцев, глас 1: Лучами облиставшися: Слава, глас 3: Праотцев собор: И ныне, предпразднства, глас тойже: Благоукрасися Вифлееме: На стиховне стихиры воскресны. Слава, глас 2: Радуйтесь пророцы: И ныне, предпразднства, глас тойже: Се время приближися: На благословении хлебов: тропарь, Богородице Дево, дважды: и отцев: Велия веры: единожды. Буди имя Господне: трижды, и чтение в толкованиих апостольских.

На Утрени: На Бог Господь, тропарь воскресен дважды: Слава, отцев, глас 2: Велия веры: И ныне, предпразднства, глас 4: Готовися Вифлееме: обычные кафисмы, и седальны воскресны, и Богородичны их, и чтение во Евангелии толковом, еже от Матфеа, в самом начале: Книга родства Иисуса Христа: По Непорочнах тропари их: Ангельский собор. Ипакои, и чтение во Евангелии толковом, еже на ряду. Степенна гласа. Прокимен, Всякое дыхание: Евангелие воскресно. И Воскресение Христово: По 50-м псалме стихира воскресна. Канон воскресен со ирмосом на 4: и предпразднства, на 4: и отцев на 6. Катавасия, Христос раждается: По 3-й песни ипакои отцев, глас 8, Ангел отроком ороси пещь: и чтение. По 6-й песни, кондак, глас 1. Подобен: Лик ангельский: Веселися Вифлееме, Евфрафо готовися, се бо Агница Пастыря великаго во утробе носящи, еже родити тщится: Егоже зряще богоноснии отцы веселятся, с пастырьми поюще Деву доящую. И икос. И чем Пролог. По 9-й песни: Свят Господь Бог наш. Светилен воскресен. Слава, отцев: и ныне, предпразднства. На хвалитех стихиры воскресны 4, и отцев 4, глас 5. Подобен: Радуйся: Слава, отцев, глас 8: Законных учений: И ныне, Препоблагословенна еси, Богородице Дево: Славословие великое. Тропарь воскресен. Ектении и отпуст. Стихира евангельская, в притворе, и час 1. И конечный отпуст.

На Литургии: Блаженна гласа, на 4: и отцев от канона песнь 3, на 4: и предпразднства песнь 6, на 4. По входе тропарь воскресен, и отцев, и предпразднства: Слава, кондак отцев. И ныне, предпразднства. Прокимен, песнь отцев, глас 4: Благословен еси, Господи Боже отец наших, и хвально и прославлено имя Твое во веки. Апостол ко Евреем, зачало 328. Аллилуиа, глас 4: Боже

ушима нашим: **Евангелие Матфеа, зачало 1: ряд же Недели оставляется. Причастен: Хвалите Господа: Другий: Радуйтесь:**

Подобает ведати, аще случится Неделя пред Рождеством Христовым, святых отец, декемвриа в 24 день:

В субботу на Малей вечерни: Стихиры воскресны, 4: Слава и ныне, предпразднства, глас 6: Вертепе благоукрасися: На стиховне стихира воскресна, и Богородицы, по обычаю. Слава, и ныне, Богородичен. По Трисвятом тропарь воскресен. Слава, и ныне, предпразднства. Таже ектения малая, и отпуст.

На Велицей вечерни: По обычном псалме, поем Блажен муж: кафисму всю. На Господи воззвах стихиры на 10: отцев на 6, глас 6. Подобен: Всю отложивше: и предпразднства на 4, глас и подобен тойже. Слава, отцев, глас тойже: Даниил муж желаний. И ныне, предпразднства, глас тойже: Вертепе благоукрасися: Таже вход, прокимен дне: и чтения отцев 3. На литии стихиры предпразднства, писаны на ряду, на Господи воззвах, в 24 день, глас 5. Подобен: Радуйся: Слава, отцев глас 3: Праотцев собор: И ныне, глас тойже: Благоукрасися Вифлееме: На стиховне стихиры предпразднства, глас 2: Самоподобен: ДOME Евфрафов: Припев: Бог от юга приидет: Таже два самогласна: Вифлееме земле Иудова: Припев: Господи услышах слух Твой и убояхся: Приидите вси Христово Рождество: Слава, глас тойже: Радуйтесь пророцы: И ныне, предпразднства, глас тойже: Се время приближися: На благословении хлебов: тропарь отцев, глас 2: Велия веры исправления: дважды. И предпразднства, единожды. И чтение в Посланиих апостольских.

На Утрени: На Бог Господь, тропарь воскресен дважды: Слава, отцев: Велия веры: И ныне, предпразднства: Написовашесе иногда: По 1-й кафисме седален отцев, глас 4. Подобен: Удивися: Во отцех Боже: Слава, и ныне тойже. И чтение во Евангелии толковом от Матфеа: Книга родства Иисуса Христа: По 2-й кафисме седален, глас 8. Подобен, Премудрости: Праздник празднуем вернии: Слава, и ныне, тойже. Чтение. По Непорочнах тропари их. И ектения, и седален отцев, глас 8. Подобен: Премудрости: Авраама и Исаака же и Иакова: Слава, и ныне, глас и подобен тойже: Из недр Отеческих: и чтение. Степенна гласа, прокимен, и Евангелие воскресное. Воскресение Христово: псалом 50. Стихира воскресна. Канон отцев, глас 6, на 8. Ирмос: Волною морскою: по дважды. тропари на 6. [В сем бо каноне по 2 стиха воскресна: сего ради канон воскресен не поется.] И другой канон предпразднства на 6, глас 1. Катавасия, Христос раждается: оба лика вкупе. По 3-й песни ипакои отцев, глас 8: Ангел отроков ороси пещи: И чтение в Богослове. По 6-й песни кондак отцев, глас 1. Веселися Вифлееме: И икос: И чем Пролог. По 9-й песни поем Честнейшую: Светилен отцев: От семене вводится Авраамля: Слава: Патриархов избрании: И ныне: Веселися Вифлееме: На хвалитех стихиры отцев 3,

глас 5. Подобен: Радуйся: Возвыси твой глас: И предпразднства 3, глас 4. Подобен: Званный свыше: Исаин глас совершается: Слава, отцев, глас 8: Законных учений: И ныне, Препоблагословенна еси, Богородице Дево: Славословие великое. Тропарь воскресен и прочее. И отпуст: и обычное исхождение. Слава, и ныне, стихира евангельская: и час 1, в притворе. На часех, тропарь воскресен. Слава, отцев: И ныне, Богородичен часов. По Трисвятом кондак отцев, и предпразднства, глаголем прменяюще.

На Литургии: Блаженна от канона отцев песнь 3, на 4: и предпразднства песнь 6, на 4. По входе тропарь воскресен, и отцев, и предпразднства. Слава, кондак отцев. И ныне, предпразднства. Прокимен, песнь отцев, глас 4: Благословен еси Господи Боже отец наших, и хвально и прославлено имя Твое во веки. Стих: Яко праведен еси о всех: Апостол ко Евреем, зачало 328. Аллилуиа, глас 4: Боже ушима нашим: Евангелие Матфеа, зачало 1: ряд же Недели оставляется. Причастен: Хвалите Господа: Другий: Радуйтесь: